



Visoki predstavnik Inzko čestitao Mostarcima na uspješnim izborima

Visoki predstavnik Valentin Inzko pohvalio je sve građane Mostara koji su jučer izašli na birališta i prvi put nakon više od deset godina glasali za svoje predstavnike.

Također je pohvalio Centralnu izbornu komisiju (CIK) BiH za uspješno organiziranje uzastopnih izbora u vrlo teškim okolnostima izazvanim pandemijom covida-19 i pod velikim političkim pritiskom. „Uprkos intenzivnom pritisku i brojnim pokušajima da se ugrozi kredibilitet CIK-a, njihov rad je ostao profesionalan i efikasan, te je omogućio Mostarcima da glasaju za novo Gradsko vijeće. Imamo puno povjerenje u CIK, njegove članove i njihov profesionalni rad“, rekao je visoki predstavnik.

Visoki predstavnik pozvao je na brzu provedbu izbornih rezultata nakon završetka postupka verifikacije: „Mostarci su izabrali. Oni sada očekuju Gradsko vijeće koje neće gubiti vrijeme kada je u pitanju rješavanje brojnih pitanja koja su se gomilala godinama.“